


中國大運河歷史文獻集成

6

主編 王雲 李泉

國家圖書館出版社



第六冊目錄

治河全書	卷二十後半至卷二十四	清·張鵬翮撰	一
河漕備考	清·朱鉉輯		一五一

兵部尚書兼都察院右都御史總督河道提督軍務臣張鵬翔謹
題為欽奉

上諭事康熙四十年正月初六日准工部咨開都水清吏司奏

呈奉本部送工科抄出河道總督張鵬翔題前事等因康

熙三十九年十二月初二日題本月二十日奉

旨這本內事情著照該督所題行該部知道欽此相應行文總
河知照可也等因移咨到臣准此隨即行該道轉行遵
照去後今據淮揚道奏議王諒道再詳估到臣據此該臣
看得寶應縣之水由于嬰溝老河口入射陽湖以達於海

今老河口一帶淤淺應行挑濬寬深經臣具

題奉

旨這本內事情著照該督所題行該部知道欽此欽遵行據淮
揚道奏議王諒詳稱除子嬰閣下至胭脂溝止一帶河道
深通無庸估挑外惟自胭脂溝起由老河口至姚子港止
河長六百丈河身淺窄應一律加挑面寬八丈底寬四丈
深六尺為度需用土一萬五千二百六十一方二分每方
銀九分該銀一千三百七十三兩五錢八釐並無浮冒等
因冊詳前來臣覆覈無異除照數動支加捐銀兩妥實應

縣知縣張增作速挑挖准揚道奏議王諒監工督挑并估
冊送部查覈外相應具

題伏乞

皇上睿鑒勅部議覆施行等因康熙四十年十二月初五日題

本月二十日奉

旨該部議奏欽此欽遵於十二月二十一日抄出到部該臣等
議得先經河道總督張鵬翔以寶應縣之水由于嬰老河
口入射陽湖以達於海今老河口一帶淤淺應行挑濬等
因具題奉

旨這本內事情著照該督所題行該部知道欽遵行文在案今
據該督疏稱除子嬰閣下至胭脂溝止一帶河道深通無
庸估挑外自胭脂溝起由老河口至姚子港止河身六百
丈淺窄一律加挑面寬八丈底寬四丈深六尺需銀一千
三百七十三兩五錢零委寶應縣知縣張增挑挖等因前
來查前項挑河既經該督估計具題應速行挑挖完工將
用過錢糧數減進冊題銷可也康熙四十一年正月二十
七日題本月二十八日奉

旨依議速行欽此欽遵抄出到部移咨到臣准此當經檄行該

道挑挖去後今據淮揚道奏議王謙造冊詳銷等因到臣
據此該臣看得子嬰閣下胭脂溝起至姚子港止河長六
百丈河身狹窄應加挑寬深經臣具

題部覆速行挑挖工完覈減造冊題銷等因奉

旨依議速行欽遵在案今據淮揚道奏議王謙詳稱子嬰閣下
白胭脂溝起至姚子港止應挑河長六百丈原估銀一千
三百七十三兩五錢八釐今工完覈減內除四十丈有民
房阻礙無庸挑挖和存土方銀一兩五錢五分九釐二毫
五絲實用銀一千二百三十四兩五錢九分七釐九毫五
絲較比原估節省并扣存土方共銀一百三十八兩九錢
一分五絲委無浮冒等因冊詳前來臣覆覈無異除原冊
送查覈外相應

題銷伏乞

皇上睿鑒勅部覈銷施行等因康熙四十一年六月二十三日

題聞六月十一日奉

旨著察覈該部知道欽此欽遵於閏六月十二日抄出到部該
臣等議得先經河道總督張鵬翔將子嬰閣下自胭脂溝
起至姚子港止挑河六百丈估銀一千三百七十三兩五

錢零等因具題臣部覆准挑挖工完覈減造冊題銷在案
今據該督疏稱挑挖實用銀一千二百三十四兩五錢九
分零節省并扣存未挑土方共銀一百三十八兩九錢一
分零委無浮冒等因前來查前項挑河用過銀兩該督既
稱委無浮冒等語應准開銷其節省銀兩貯庫為河工之
用可也康熙四十一年閏六月二十五日題本月二十九

日奉

旨依議

兵部尚書兼都察院右都御史總督河道提督軍務臣張鵬翮謹
題為兩溝之河道告成歷年之積水漸涸而咸有望民生日
遂樂忘代

題叩謝

皇恩事據山陽鹽城兩縣舉人顏敏副榜王思維貢監李公伙
唐臣恩成僑薛聚士氏胥輝豐恩義彭友聲豐志潘姜宗
周孫嶠丁珮李嗣魯陳三鼎却鵬陶涵劉贊高景王介陳
極吳賢孫尚陸甫劉賓臣胡美張允中王真夏兆吳昭仇
連方正薛上義錢高管魁吳館唐大有李志進馮可達常

永祚余志鰥于士珏平順孫邦道王康高爾琳陸士貴吉
雲鵬阮以雄等呈稱竊照山鹽兩邑自康熙三十五年黃
水泛溢量管缺口田地沉沒蝦蟹二溝盡被黃河淤平凡
高寶興泰等邑由湖蕩入海之道淤塞不通以致山鹽兩
邑受諸水下流之患滙及黃水泛溢之無歸積水無處宣
洩田畝不獲耕種幸逢河院親勘

題請荷蒙

皇恩俞允發帑開濬於四月二十六日啟濬放水河道通流水
有去路田地日漸涸出西咸有望舟楫往來商賈攸賴不

但山鹽兩邑百姓得享平成之福即高寶興泰生民亦自
獲樂利之休若非

皇恩浩蕩大矜黎念亦何能鴻工告成生民永慶也感戴

皇恩老幼歡騰群思赴京叩

謝稍盡蟻忱奈路途遙遠小民無力為此叩懇俯賜代

題轉達愚誠仰冀

天聽聞邑百姓惟焚香頂祝望

闕叩首永戴

弘慈於無既等因到臣據此該臣看得下河地處卑窪疊罹水

惠荷蒙

皇上如天之仁屢賜蠲賑黎民得以生全又欽頒

上諭挑濬下河引積水入海因前河臣未暇兼顧臣稟遵

聖主指授治河方畧上河工程就緒水不東注即遵

上諭挑濬下河估計具

題奉有

俞旨欽遵在案臣勘蝦蟹二溝為疏通積水要道即動支加捐

銀兩委員先行挑挖於四月二十六日開放是日萬姓往

觀歡聲雷動據舉貢士民願敏等呈稱水有去路田地涸

出西成有望舟楫往來商賈便賴皆荷

皇恩浩蕩大發帑金鴻工垂成生民永慶老幼歡騰焚香頂祝

望

闕叩首永戴

弘慈無既願請代

謝前來臣親為姓感頌

聖恩實出誠悃不敢塵於

上聞謹具疏代

題伏乞

皇上睿鑒施行等因於康熙四十年五月十六日題六月初七

日奉

旨該部知道

兵部尚書兼都察院右都御史總督河道提督軍務臣張鵬翔謹
題為估計挑挖引河以資保固事該臣看得黃河下流最窄

之處無如安東使益門以及對岸韓家莊臣率同道廳等

官探量兩岸相距僅六十餘丈又兼時家馬頭至尹家莊

河身太曲對岸沙洲過溜直衝南岸韓家莊而韓家莊以

下又突出沙嘴過溜直射北岸使益門且堤高於城勢甚

危險應將兩處沙洲於中開穿挑挖引河二道使黃流直

下以固城池以保險工行據淮揚道參議王謙詳估黃河

北岸沙洲自時家馬頭東對南岸引河尾新河頭起至使

益門西河尾止估挑引河長五百四十丈應用土方銀二

千一十四兩五錢又黃河南岸自韓家莊東對北岸引河

尾新河頭起至河尾止估挑引河長五百二十丈應用土

方銀一千五百六十六兩二引河下層又估下埽二個應

用埽料銀五十兩一錢二分連引河并埽簣共估土方工

料銀三千六百三十三兩六錢二分等因詳估前來臣查時

家馬頭已經合龍淮黃已經交會二水合流來春自必增

長急應乘時催挑引河完竣俟挑汎水長開故使黃水直

下得以暢流則尹韓二莊使益門三處險工可以稍平又

可保安東城社民生除發帑委員乘此冬令水小價挑運
竣並將原冊送部查覈外理合具疏

題估伏乞

皇上睿鑒勅部議覆施行等因康熙三十九年十二月初二日

題本月二十日奉

旨這本內事情著照該督所題行該部知道

兵部尚書兼都察院右都御史總督河道提督軍務臣張鵬翮謹
題為

題明事該臣看得山陽黃河南岸阜家灣地方係原任淮徐

道郎文煌於山安同知任內領銀建造涵洞之處因未竣

工故於本年黃水漲發遂致衝漫成缺經臣

題明責令賠堵在案今據該道嚴詳稱郎文煌係領黃旗人

因物料未備以舊缺水深難堵為詞查此工關係要緊難

容遲緩應照例動帑委令署山安同知夏宗堯赴水落之

際照所估於壩外建築月堤一百二十五丈并堤外棧下

順埽估用物料土方銀一千四百九十三兩八錢二分造

冊前來除原冊送部查覈外此係郎文煌應賠之項仰祈

勅部行令該旗都統於郎文煌名下照追還項理合具

題伏乞

皇上睿鑒勅部議覆施行等因康熙三十九年十二月初八日

題四十年正月二十日奉

旨該部議奏欽此欽遵於正月二十一日抄出到部該臣等議

得河道總督張鵬翮疏稱山陽黃河南岸阜家灣地方係

原任淮徐道郎文煌於山安同知任內領銀建造未竣故

致衝缺責令賠堵郎文煌因料物未備以舊缺水照難堵
為詞此工關係緊要難容遲緩應照例動帑委令署山安
同知夏崇堯趁水落之際於堵外建築月堤一百二十五
丈并堤外捲下順埽佔用銀一千四百九十三兩八錢二
分係郎文煌應賠之項郎文煌係領黃旗人所

勅部行令該旗都統於郎文煌名下照追還項等因前來查該
督既稱辛家蕩地方關係緊要難容遲緩等語應如所題
先動帑銀修築工完之日將用過銀兩造冊題銷其佔用
銀一千四百九十三兩八錢零行文該旗都統於郎文煌

名下照例勒限半年追取還項可也康熙四十年二月初

二日題本月初七日奉

旨依議欽此欽遵抄出到部移咨到臣准此當經檄行該道遵
照備案去後今據淮揚道奏議王謙詳稱辛家蕩修築趙
堤今工完覈減造冊詳銷等因到臣據此該臣看得黃河
南岸辛家蕩經臣

題估動帑修築趙堤於郎文煌名下追銀還項部覆應如所
題動帑修築工完造冊題銷等因奉

旨依議欽遵在案今據淮揚道奏議王謙詳稱辛家蕩趙堤工

長一百二十五丈原估銀一千四百九十三兩八錢二分
今工完覈減實用銀一千三百四十四兩四錢三分八釐
較原估節省銀一百四十九兩三錢八分二釐並無浮冒
造冊

題銷其用過銀兩照原題於郎文煌名下追還查郎文煌係
領黃旗人應行該旗都統照追清項等因前來臣覆覈無
異除原冊送部查覈外相應具疏
題銷伏乞

皇上勅部覈銷施行等因康熙四十一年十一月二十日題十

二月初八日奉

旨著察覈該部知道欽此欽遵於十二月初九日抄出到部該
臣等議得河道總督張鵬翮疏稱黃河南岸辛家蕩經臣
題估動帑修築趙堤於郎文煌名下追銀還項今工完實
用銀一千三百四十四兩四錢零較原估節省銀一百四
十九兩三錢零並無浮冒其用過銀兩照原題於郎文煌
名下追還等因前來查前項建築趙堤用過銀兩該督既
稱並無浮冒等語應准開銷節省銀兩貯庫為河工之用
其郎文煌名下應追銀兩已經行文該旗勒追應毋庸議

旨依議

康熙四十一年十二月十九日題本月二十日奉

兵部尚書兼都察院右都御史總督河道提督軍務臣張鵬翮謹
題為河工底績可期請頒賞宜奏塞請將中運兩河復舊制
設開座以垂永久事康熙三十九年十一月三十日准工
部咨開都水清吏司案呈奉本部送工科抄出刑科掌印
給事中陳銳題前事等因康熙三十九年十一月初九日
題本月十八日奉

旨這事情應否可行著總河張鵬翮速議具奏該部知道欽此
相應抄錄原疏行文總河查照奉

旨內事理欽遵施行計抄錄原疏一紙內開刑科掌印給事中

加二級陳銳

題為河工底績可期請頒賞宜奏塞請將中運兩河復舊制
設開座以垂永久事竊惟淮黃為患匪伊朝夕

皇上神明獨運客照所及洞達無遺已將兩河情形熟悉區畫
特簡張鵬翮總理河道面受

方畧殫心奉行又遣大臣督修高堰

天心眷答河伯效靈是年伏汛水勢消落較往年十之三四均見

安瀾就下立度平成矣乃

皇上睿慮周詳猶恐黃淮交漲或致危險此誠至聖至明事所

或有誠不可不委為計及者也臣思黃河之工規模已經大定不過實心修築自可告成惟是罅隙之處尚宜委修罅隙既修則一定之規垂之萬世永遠無弊蓋黃河之患最懼旁洩不惟黃水不可西行即兩岸清水亦不可分洩清水不洩則助黃刷沙水落之時日夜滔長流入河若異漲之際河流亦有倒灌之時然六七天後異漲即平淤沙未壅清水仍出沙隨水流隨流隨去此南北兩岸所以必築堤以障湖障湖以敵黃也自南之歸仁堤潰而湖家溝之口塞矣高堰潰而清口塞矣北之禹王臺洩水而駱

馬湖之董口塞矣其塞者非黃水之能塞清而清水之自不能出也黃水塞清不過一時之泛漲清不能出則旁分流弱黃水隨清而入一往不返淤沙愈積愈老河身反高於湖矣今

皇上命張鵬翮修歸仁堤開湖家溝以出灘湖之水命大臣幫高堰以出洪澤湖之水此真一定不易之經乃猶有罅隙當塞者則莫如復天妃閘以防淮水入運閘中河以導東水入河蓋高堰既築淮水必高若黃漲不能復出則必擇空地而行舊天妃閘離淮黃交會之處二百餘丈原用閘

板閘斷自天妃閘至清江浦共有五閘重運到時適互啟閘重運一通即行銷斷官民船隻俱用車盤是以淮之全力俱注於黃其引入運河者不過暫時資其濟運耳自廢天妃閘移七里閘改革壩無復閘板啓閉則淮黃相距之中復有運河以為尾閘挑伏而汎黃障其北堰障其東無所分洩勢必盡趨運河運河淺狹迫近淮城萬一潰決清江浦民居可危誠有如此

聖慮所及者故臣以為必復天妃閘以塞其罅然後淮水可出而清口可通也至中河之意亦復相同借其通漕可以避

黃河之險任其分洩亦復生倒灌之虞近年黃水灌入中河至於嘴堤淺涸皆復由此今張鵬翮遵奉

俞旨亦已熟中河頭壩引湖水從石閘出黃矣臣愚以為宜倣天妃閘舊制之意於新舊兩河中酌量遠近多建閘座重運來時節級啟閉重運過後官民船隻或用車盤或走黃河勿令常行開通使清水但資運還一應減水壩盡行堵塞令其俱入黃河不惟宿還以下河流廣深抑且仲莊閘出口之水不致逼溜使南而清口亦易開通此不過一二補苴而大工可以告成永遠可以遵守緣係條陳河工事

理字多適格貼黃難畫未敢另繕伏乞

皇上審鑒施行等因移咨到臣該臣看得科臣陳銑疏稱自天妃開至淮安共有五開必復天妃開以塞其缺然後淮水可出等語臣按南河誌平江伯陳璘建通濟新莊福興清江板開等五開通相啓閉以防黃水之淤又慮水發湍急難於啓閉築壩以遏水衝每歲至六月初旬糧艘過盡伏水將發即於通濟開外暨築土壩以遏橫流一應官民船隻俱暫行盤壩出入至九月初旬開壩今天妃福興板開久廢新莊開亦以無用棄之惟存龍汪開一座金門參差不能下板但古今異宜不能盡復五開臣相度地勢博訪輿論公議酌復天妃開一座以防黃水內灌將見在之龍汪開寶應開拆修金門下板設過水涵通相啟閉蓄水濟運但目下運河淤墊正在挑挖俟清水衝刷淤沙使盡河底之尺寸既定方可安建開基將修開事宜另疏

題請又科臣陳銑疏稱新舊兩中河多建開座重運來時節級啟閉重運過後勿令常開等語查中河頭每年糧船過後即行熱壩引湖水由石開出黃新運到時又行啓壩需費錢糧不若於中河頭及中河尾各建石開一座以時啟

閉節宣水勢於新中河孫家集以上修石開一座如遇水大洩入鹽河以殺水勢其修開需用錢糧另疏估計具

題以上運中兩河科臣

題請建開之處乃河工告成善後之計事屬可行臣謹具疏題覆伏乞

皇上審鑒勅部議覆施行等因康熙三十九年十二月十八日題四十年正月二十五日奉

旨該部議奏欽此欽遵於正月二十六日抄出到部該臣等議得先經刑科給事中陳銑以自天妃開至清江浦共有五

開必復天妃開以塞其缺然後淮水可出又新舊中河應多建開座重運來時節級啓閉重運過後勿令常開等因具題奉

旨這事情應否可行著總河張鵬翔速議具奏該部知道欽此欽遵移咨總河去後今據河道總督張鵬翔疏稱臣按南河誌陳璘建通濟等五開通相啓閉以防黃水之淤又慮水發湍急難於啟閉築壩以遏水衝今天妃福興板開久廢新莊開亦以無用棄之惟存龍汪開一座金門參差不能下板但古今異宜不能盡復五開臣相度地勢博採輿

論公議酌復天妃閘以防黃水內灌將見在龍汪閘寶應閘折修金門下板設遇水漲通相磨閘蓄水濟運但日前運河淤塞正在挑挖使清水衝刷淤沙使盡河底尺寸既定方可安建閘基將修閘事宜另疏題請等語應俟該督具題之日再議又疏稱中河頭糧船過後即行煞壩引湖水由石閘出黃新運到時又行啟壩需費錢糧不若於中河頭及中河尾各建石閘一座以時啟閉節宣水勢於新中河孫家集以上修石閘一座如遇水大洩入鹽河以緩水勢其修閘需用錢糧另疏估計具題等語應俟該督估

計具題到日再議可也康熙四十年二月初八日題本月

十二日奉

旨依議欽此欽遵抄出到部移咨到臣准此隨行該道將中河頭尾及孫家集各閘需用錢糧作速估計去後今據淮徐道副使施世綸准揚道參議王謙叟明造冊轉詳

題估等因到臣據此該臣看得中河頭及中河尾各建石閘

一座以時啟閉節宣水勢於新中河孫家集以上修石閘

一座如遇水大洩入鹽河以緩水勢經臣具

題部覆需用錢糧該督估計具題到日再議等因奉

旨依議欽遵在案今據淮徐道副使施世綸准揚道參議王謙詳稱中河頭建造石閘一座併上下築壩及挑月河建草壩共該工料銀二萬八千七百八十五兩三錢五分六釐八毫中河尾建造石閘一座併上下築壩及挑引河裏頭等工共該工料銀二萬九千七百三十七兩二錢二分四釐二毫四絲又建孫家集小石閘一座共該工料銀九千一百一十九兩九錢四分九釐一毫二絲三共銀六萬七千六百四十二兩五錢三分一毫六絲並無浮冒等因造冊詳估前來臣覆數無異不另請撥錢糧動支交代大工

存剩并武墩石工扣存以及追繳各案逋欠并不足土方銀兩照數給發隨委候補同知糧稷安清中河通判劉可聘清河縣主簿張天機領辦料興修委淮揚道參議王謙准徐道副使施世綸監工督催除原冊送部查數外相應具疏

題估伏乞

皇上勅部議覆施行等因康熙四十年十一月二十日題十二

月初九日奉

旨該部議奏欽此欽遵於十二月初十日抄出到部該臣等議

得先經河道總督張鵬翔將中河頭及中河尾應各建石
閘一座以時啓閉節宣水勢孫家集以上應修石閘一座
如遇水大洩入鹽河以殺水勢等因具題臣部覆令估計
具題去後今據該督疏稱中河頭建石閘一座并上下築
壩及挑月河建草壩估銀二萬八千七百八十五兩三錢
零中河尾建石閘一座并上下築壩及挑引河裏頭等工
估銀二萬九千七百三十七兩二錢零又建孫家集小石
閘一座估銀九千一百一十九兩九錢零動支交代大工
存剩等銀辦料興修等因前來查中河石閘二座既經該
督估計具題應速行修建工完之日將用過錢糧覈減造
冊題銷可也康熙四十年十二月十七日題本月十八日
奉

旨依議速行

兵部尚書兼都察院右都御史總督河道提督軍務臣張鵬翔謹
題為河工底績可期歸海尚宜要塞請將中運西河復舊制
設閘座以垂永久事准工部咨前事該臣看得酌復天妃
閘以防黃水內灌將見存龍汪等閘拆修金門下板設遇
水涸連相啓閉蓄水漸運經臣

題明將修閘事宜另疏

題請部覆俟具題之日再議等因在案今據淮揚道參議王
諒詳稱除龍汪閘見在另文議詳外惟是天妃閘舊基閘
塘年久深窪岸水難乾故橋碎石有礙下橋鋪底議於運

口頭草壩迤北建造大石閘一座拆新莊閘石料添用以
節錢糧又東西各築絳堤一道即以挑引河之土築堤再
於閘座上下穿開舊堤處所各建草壩一座以固堤束水
共估工料銀二萬八千二百四十二兩九錢四分九釐二
毫四絲並無浮冒等因造冊詳估前來臣覆覈無異不另
請撥錢糧隨動支高堰大工節省銀兩照數給發候補知
縣王來碩等辦料興修准揚道王謙監工督催除原冊送
部查覈外相應具疏

題估伏乞

皇上睿鑒勅部議覆施行等因康熙四十一年三月十四日題

本月三十日奉

旨該部議奏欽此欽遵於四月初一日抄出到部該臣等議得河道總督張鵬翮疏稱復天妃閘以防黃水內灌經臣題明在案惟是天妃閘舊基年久深窪故椿碑石有礙下椿鋪底議於運口頭草壩迤北建造大石閘一座東西各築緯堤一道再於閘座上下穿開舊堤處所各建草壩一座以固堤束水共估工料銀二萬八千二百四十二兩九錢四分零動支高堰大工節省銀兩給發候補知縣王采碩

等興修淮揚道王謙監工督催等因前來應如該督所題准其建築工完之日將用過錢糧覈減造冊題銷可也康熙四十一年四月初五日題本月初六日奉

旨依議速行

兵部尚書兼都察院右都御史總督河道提督軍務臣張鵬翮謹題為河工底績可期請頒諭旨以資鼓勵等因欽此

設閘座以垂永久事准工部咨前事該臣看得實應開拆修金門下板遞相啓開蓄水濟運經臣

題明將修閘事宜另疏

題請部覆俟具題之日再議等因在案今據淮揚道恭議王謙詳稱寶應南弘濟大閘建造年久閘底開牆向被水衝壞今議從新估建石閘一座金門鑿槽下板以資啟閉并開挑月河建築埽壩通共需料物工價銀一萬六千四百

九十八兩三錢四分七釐五毫六絲並無浮冒等因造冊詳估前來臣覆覈無異不另請撥錢糧隨動支高堰大工節省銀兩照數給發原任知縣吳順辦料典修淮揚道恭議王謙監工督催除原冊送部查覈外相應具疏

題估伏乞

皇上睿鑒勅部議覆施行等因康熙四十一年六月初七日題

本月二十二日奉

旨該部議奏欽此欽遵於六月二十三日抄出到部該臣等議得先經河道總督張鵬翮將寶應開拆修金門下板候運

河挑挖另疏題請等因具題臣部覆令俟該督具題之日	再議在案今據該督疏稱估建石閘一座并開挑月河建	築埽壩共需料物銀一萬六千四百九十八兩三錢零動	支高堰大工節省銀兩等因前來應如該督所題准其修	造工完之日將用過銀兩數減造冊題銷可也康熙四十	一年閏六月初五日題本月初八日奉	旨依議
------------------------	------------------------	------------------------	------------------------	------------------------	-----------------	-----

治河全書	卷之二十一	章奏	開楊橫等引河	築吳家莊月堤	修防得人	分析工程	詳議前疏	挑濬裏河	修高寶江堤工	修江都堤閘	修陸漫閘石工	修高郵濠壩	堵高郵二壩	開高郵壩下引河
------	-------	----	--------	--------	------	------	------	------	--------	-------	--------	-------	-------	---------

兵部尚書兼都察院右都御史總督河道提督軍務臣張鵬翮謹
題為急宜挑挖黃河灣曲引河事該臣看得黃河灣曲之處
恭奉

上諭挑挖使直水流暢快則泥沙不淤仰見我

皇上洞鑒治河良法准到部文即轉行淮徐道副使施世綸淮
揚道叅議王謙欽遵去後今據施世綸等將所屬應挑引
河之處逐一詳估前來臣親往查勘分別緩急次第與挑
准徐屬之楊橫莊邳州之戚字堡桃源之談家口安東之
汪家莊四處工程更為緊要急宜先挑引河約需土方工

料銀二萬七千三百五十八兩三錢三分請祈

勅部撥發錢糧以便一面乘時償挑俟挑伏二汛水長開放以
保險工一面估計具

題其餘各處引河俟四引河告成之後相度形勢另行次第

題請外理合恭疏具

題伏乞

皇上睿鑒勅部議覆施行等因於康熙三十九年十二月二十

日題四十年正月二十四日奉

旨該部速議具奏欽此欽遵於正月二十五日抄出到部該臣

等議得河道總督張鵬翮疏稱黃河灣曲之處恭奉

上諭挑挖使直臣親往查勘分別緩急次第與挑准徐屬之楊
橫莊邳州之戚字堡桃源之談家口安東之汪家莊四處
工程更為緊要急宜先挑引河約需土方工料銀二萬七
千三百五十八兩三錢零祈

勅部撥發錢糧以便一面乘時償挑俟挑伏二汛水長開放以
保險工一面估計具題其餘各處引河俟四引河告成後
相度形勢另行次第題請等因前來查徐屬楊橫莊等處
該督既稱工程更為緊要急宜先挑引河等語應如所題

速行乘時償挑將需用錢糧移咨戶部撥給其餘各處引
河該督既稱俟四引河告成後相度形勢另行次第題請
等語應俟具題到日再議可也康熙四十年正月二十七
日題本月二十八日奉

旨依議速行欽此欽遵移咨到臣准此隨經檄行該道速行各
該廳領帶償挑并將需用工料錢糧估計造冊去後今據
淮徐道副使施世綸詳稱本道遵工親勘造冊估計等因
到臣據此該臣看得徐州楊橫莊邳州戚字堡桃源張家
莊安東汪家莊急應各挑引河一道以保險工經臣具